

晚晴簃詩匯

第六七冊

晚晴移詩匯卷一百七十四目錄

端方 一首

顧翰 一首

陳熾 七首

許珏 五首

何維棣 四首

李宗言 二首

尹恭保 三首

鹿學尊 一首

陳鍾岳 二首

陶玉珂 一首

謝烺樞 三首

馬錫康 一首

林紓 十二首

林鶴年 五首

虞景璜 一首

葛寶華 七首

沈家本 十五首

秦綬章 十首

張亨嘉 九首

陳同禮 一首

伍兆釐 一首

何維棟 二首

劉光第 七首

柯逢時 二首

張預 六首

張儔 五首

楊履晉 一首

徐定超 一首

晚晴簃詩匯卷一百七十四

徐世昌

端方字午樵號匋齋滿洲旗人光緒壬午舉人官至直隸總督罷再起候補侍郎署四川總督殉難諡忠敏

詩話忠敏風流儒雅卓犖不羣出領疆圉搜羅致賢士大夫置諸幕府鼎彝圖籍碑版書畫廣搜博採相與矜賞華山碑海內三拓本一時並至於兩江節署中築寶華齋以紀其盛從之游者輒謂畢靈巖阮雷塘去人不遠移節畿輔既罷復起遂遣資州之難雷塘小劫慘歸先軫之元虹月寒空孤映長宏之血遺篇零落良足悲已當王辰歲易實甫以馬湘蘭畫蘭柳如是畫柳兩便面合裝蘭蘭柳圖忠敏為填多麗詞中有句云楚晚香殘金城客老簿書叢裏春風度更改柯易葉那識歸根處隱然語識時忠敏方撫江蘇在被難前十年也

游莫愁湖

五月湖樓趁夕涼重來祠樹飫新霜秋風莫續篴篥引春

明倫彙編 家範典 卷一百一十四
夢誰尋玳瑁梁孫楚酒樓餘蔓草麗華宮井贍枯楊佳人
底是生南國家世分明系洛陽

顧翰字孟平江蘇華亭人光緒壬午舉人官戶部主事
有宜雅堂集

新秋

盡是蕭疏意雲山入望賒涼蟬驚落葉孤蝶抱秋花寒聽
山中雨明飛江上霞村邊吹牧笛絕勝往年筇

陳熾原名家瑤字次亮瑞金人光緒壬午舉人官戶部
主事有裒春林屋詩

詩話次亮入直樞曹喜談時務惜未
中年而殞其詩託意縣邈骨秀韻清

微雨坐池上作

雨氣倏無際翛然生夕陰春萍綠水碧城樹得煙深偶會

濠濮意非無江海心方舟何處所愁絕坐難任

偶作呈元俠

遠憶將何益孤飛病未能詩心緣事減酒過逐年增未老已如此長貧自可憎生平知己淚悽絕夜窗鐙

感事

河伯笑海若小大固殊科雜縣眩鐘鼓雅音豈不和性質闊聞見俛仰成山河深識邁當世薄俗常見呵遐哉懷古心太息竟如何

徙薪不及早爇火能燎原羝羊亦解觸乃自撤其藩族類旣以殊禍害安忍言飢蛟宅深浦水族無安瀾猛虎在灌林百獸多憂患前謀已無及後慮甯復論當斷不能斷揖盜徒開門

明倫彙編 家範典 卷一百一十四
食貨生之源易窮久乃變金玉炫耳目始覺菽粟賤逐末
競錐刀舉世互相煽海客多奇淫大利遂私擅桑孔術亦
工何由救瞑眩節流豈無策睫遠誰能見哀哉涸轍魚惻
矣巢堂燕

乾坤託大義振古匪自今誰歟戴髮齒而忍懷佗心黃金
爾何物能使聰者瘖胡越殊風會歡愛同裳袞禍機伏肘
腋一發誰可禁人心遂如面咫尺成商參好音伊可懷亨
魚漑釜鬱惻惻匪風詩寄慨一何深

湘江春望

麥風淒切子規聲僻縣繁花眼暫明留滯何緣識天意飄
零今已悔狂名春寒十日仍披袂夜雨雙流半入城誰踵
嘉名舊湘水芙蓉愁煞涉江情

許珪字靜山晚號復庵無錫人光緒壬午舉人歷官出

使義國大臣有復庵先生集

詩記復庵天性孝友服膺其鄉先哲高顧之學慕游四方受知於丁文誠閻文介鹿文端皆以國士待之先後隨節歐美嗣充出使義國大臣倡禁煙之議強聒不舍朝野感動人傳其鄉試詩云襟懷千里月衣被萬家春謂有雅量存詩不多具見志趣

謁范文正公祠

貧儒困韋布鬱鬱不可居所見祇利名得志將何如人生髮未燥入塾誦詩書道通天地人識豈囿一隅舉世病飢溺拯之在吾徒偉哉文正公志量世所無伏處懷廟堂宦達憂江湖立朝三十年寒素如其初祿入贍同宗身外無贏餘世儒不自奮觀之徒嗟吁我來謁公祠再拜立斯須願言式高風永爲學士模

清江道中

靜居忽不樂攬轡出風塵生世逢明聖安閒愧此身請纓
行有日橐筆且依人四海男兒志馳驅豈爲貧

春宵苦不寐破曉上征車野曠天垂幕河乾地捲沙緋桃
十數樹綠柳兩三家何必江南好天涯攬物華

早行有感

生年三十四未嘗離庭闈四年游虞山間月輒一歸我母
生我晚拊我如嬰兒飲食必加詢冷暖爲護持一從出門
來水陸疲奔馳水行畏風波陸行苦崎嶇夜半坐車轅冷
露溼衣裾驅蹇入水中月黑流聲嘶深淺不可辨呼吸蹈
危機日午行未息面汗皆塵緇欲飲不得飲忍飢不言飢
儻體慈親心見此將何如日暮暫解裝挑鐙作家書兒行

皆坦途兒安毋勿虞

汾州道中

劫後哀鴻瘖不鳴天涯極目淚縱橫山經積旱春無色河
咽殘冰夜有聲萬里輪蹄消白日幾人肝膽爲蒼生蹉跎
未遂澄清志何日馳驅報聖明

何維棣字棠孫道州人光緒壬午舉人四川候補道有
潛穎詩

孤舟吟

倦馬嘶舊都賓鴻歸故林念我遠游客恆年滯江潯登樓
眺南天家園掩雲岑矧茲秋氣涼關河紅葉深嚴霜肅大
野宵風吹我襟榮利詎不羨羈思固難任旣觸梁鴻悲誰
憐莊舄吟

麓山懷古

諭苗臺下雨如煙天馬浮嵐落眼前往日旌旗餘殺氣至
今桴鼓出羣賢橘洲屢阻和夷策西嶼爭傳檄蜀篇寄語
防邊諸將吏異時靈麓卽燕然

游鹿鳴山歌

仙都昂首標孤青誰與抗者惟鹿鳴仙人遺鹿說悠渺東
坡有詩山迺名以人傳物物傳地勝游文藻垂千齡長公
龕側巖花馨曲廊下俯南賓城左枕青牛右白馬波光雲
氣紛陰晴古竇緯藤蘿流泉甘且清炎天日方午累榭風
泠泠綠陰爲海不知暑岷水西來如帶縈地屬公家百不
禁往往呼盧挾妓汙山庭瓦松井蒿交四榮猿狐攀檻蟻
穴楹我來登眺拜祠宇平臺啜茗蒼嵐生作詩一笑貽好

事異日請志邕州馬退亭

寄懷羅濟川大令

錦水迢迢雙鯉魚清談天末迴愁予壯懷憂世供多病中
歲辭官勇著書雪苑高吟圖主客江關宦迹混樵漁子雲
寂寞應無恙聞道東鄰已卜居

李宗言字畚曾號犂巢晚號償圃閩縣人光緒壬午舉

人厯署廣信知府安徽候補道

詩話畚曾爲沈文肅公外孫攝廣信府篆爲文肅舊
治咸豐間積寇撲廣信文肅城守夫人林氏據井自
誓已而援師至圍解父老尸祝文肅并祠林夫人畚
曾奉母居官舍追念自出因名井曰誓井堂曰寶井
堂勤於吏事不廢風雅在郡休暇恆集勝流觴詠且
獎拔知名之士都其文爲守信錄詩近玉谿於近代
出入陳元孝吳梅村宋荔裳諸家

金門島弔鄭延平

河山破碎義旗孤十七年中隻手扶骨肉全家甘北面荆
榛萬里創東都紀年復覩黃初厯祖臘猶存赤伏符酒罷
胡牀灰壯志九原知有大聲呼

冶春

綺陌韶光眼底收酒痕狼籍與句留連番雨意門前路到
處鶯聲水上樓裙屐年年觴板渚煙花厯厯記揚州泰孃
豔夢無人喚散作江南十斛愁

尹恭保字仰衡丹徒人光緒壬午舉人厯官雷州知府
有抱膝山房詩藁

內閣學士尙頌臣同年薦起前禮部侍郎宗室寶竹
坡先生未允

直言極諫薦宗卿露竹霜條舊有名匡濟自應求國士謫

居竟爲賦閒情漢庭一例憐張猛宣室何年召賈生重演
五行洪範傳暫儲經緯待澄清

大招篇

四座請勿喧聽我歌大招白雲帝鄉有毅魄化爲星宿騰
中宵眞御史吳柳堂官臺省肅風霜烏魯木齊悍將肆殺
戮公以免獄陳天閭一再抗疏爭不已悍將讞成竟論死
邊民萬口頌天子嗚呼柳堂眞御史御史敢諫不愛官優
容愚戇天恩寬伸此三尺法詔書旦下夕挂冠虞淵日墜
公痛哭九死更生臣可讀再官吏部典銓選每說先皇淚
盈掬我朝家法本秩然屢世述作皆聖賢先皇上賓無誕
育龍興代邸神器傳天家例不比士庶議禮無可爭後先
先皇御宇十三祀功德巍然被遐邇海內蒼生傷考妣况

公執簡列金甌鬱鬱橋陵埋夕照百官鹵簿趨原廟九原
臣願驅狐狸是夕文星失光耀遺表萬言臣志畢一腔熱
血行間出深宮堯舜涕淚零曠代孤忠古無匹魂兮歸來
駕雲車聖人璽書方褒嘉煌煌天語懸日月公卿動色相
咨嗟魂兮歸來享尊俎燕人請祠設鐘簋臨淮使相飛章
奏奏說摺紳各酸楚魂兮歸來侍先皇惠陵宰木隱蒼蒼
夢中有人贈建炎遺憾朱仙鎮二句足成之

自喜名山勝八騶幾人老去尙封侯建炎遺憾朱仙鎮元
祐完人鐵漢樓狂引酒杯銷塊壘閒箋草木紀春秋由來
史冊彰公道尙載王堅守合州

鹿學尊字杏儕號艾聲定興人光緒壬午舉人官高平
知縣有艾聲詩草

詩話杏脩文場馳逐早有聲譽晚乃與其子同舉於鄉同歲生皆尊爲丈人行與余兄弟甚詭屢相酬唱嘗和余雪後寄詩有句云世宙亂成誰反治園林榮盡亦當枯撫時感事誦之輒爲慨然

南天門與中作歌題新興店壁

西來山勢如蜿蜒谿行到此登南天俯瞰三面下如井羣峯萬壑羅森然危樓高欲接牛斗屏藩東拱無窮邊試劍峯兼冠與鏡崙崎突兀相鉤連奇觀疊出看不盡胸襟已覺開萬千助人畫臺與詩料豪情直欲凌雲煙諸天閣上數聲磬不知何處藏神仙停驂苦未細憑眺斜日西沈催著鞭

陳鍾岳字小汀號亦藏長沙人光緒壬午舉人官黎城

知縣有聽楓館詩存

詩話亦藏詩詞彙皆未刻詞婉約清空猶有叔夏聖真遺意勝於詩建甚

疊韻寄黃芴唐

集唐

歸思日夕繞楓林
明月多情映遠岑
子美長鑣悲自昔
春虛寒館詠勞今
婦儲舊釀供游醉
兒和新詩慰獨吟
寄語故人知此意
報書珍重錯刀金

風雨

縱橫風雨撼幽齋
屋漏連牀瀑注階
雲影羃山峯盡失
灘聲動礪石能排
衰殘短髮先饒冷
身世長愁亂入懷
強自傾觴期一醉
天涯變得酒如淮

蘭薰館遺藁

偕凌衡甫和鈞謁錢武肅王祠

東南保障古諸侯
半壁江山一綫留
箭落潮頭自神武
花